



Universitätsbibliothek Paderborn

Conferentiæ Theologico Morales

Compendiosè propositæ ac breviter resolutæ Ad Usum Directorum
Conferentiarum Hebdomadalium ... DD. Parochorum, Curatorum,
Confessariorūmque omnium

Ex Materia De Actibus Humanis Excerptarum

Sargar, Elisaeus

Augustæ Vindelicorum, 1720

Conferentia XX.

urn:nbn:de:hbz:466:1-41214

CONFERENTIA XX.

28. **A**N quandoque quis etiam teneatur aut debeat sequi opinionem minus probabilem, vel minus tutam, etiam contra propriam probabilitatem ac magis tutam; v. g. Confessarius habet pœnitentem, qui in choro sub recitatione horarum canonicarum studio & voluntariè distractus ad pro tunc impertinentia, ut postea in cella solus constitutus eas (ut putat) cum debita attentione persolvat: nec vult valere priorem recitationem, ne forte peccet per voluntarias distractiones: interim ipsi valde molestum ac difficile est, extra chorū omnes horas repeterē; ac proinde vel eas omittit, vel certe diutiū differendo, se periculo omissionis frequenter exponit: queritur ergo, an tunc confessarius sententiæ contrariæ non teneatur pœnitenti suadere, ut sequatur oppositam opinionem illorum doctorum, qui docent non requiri attentionem mentis in horis canonicas, sed sufficere integrā verborum pronunciationem cum situ modesto?

RESOLUTIO est affirmativa. Ita *Patriit. cit.*
n. 45. & 48. & ex ipso communior.

Ratio autem est: quia quilibet tenetur satisfacere obligationi suæ, quando id præstare potest sine peccato: sed dictus confessarius obligatur succurrere pœnitenti suo graviter periclitanti; nec potest commodiū illi succurrere, quād suadendo oppositam sententiam minus probabilem & minus tutam, scilicet eum non obligari ad repetendas horas canonicas distracte lectas: igitur ad hoc obligatur. M. est certa. Minor constat

ex

ex præcedenti Conferentia, quod id possit absque peccato : igitur, &c. Idem dicendum de subdito, cui Superior aliquid præcipit secundum sententiam verè probabilem (in proposito non repetere horas canonicas distractè peractas) qui proinde, contra propriam opinionem speculatively probabiliorem & tutiorem visam, tenetur obedire : Ratio est eadem. Quia quidquid subditus licet agere potest, præcipiente superiori etiam debet.

CONFERENTIA XXI.

29. **A**n prudenter & bene agant confessarii illi, qui non audentes (contra suam opinionem) absolvere mittunt pœnitentes ad alium confessarium , qui sit ejusdem cum pœnitente opinionis ? R. Eos ineptè agere : si enim alter poterit absolvere, cur etiam tu non possis? aut cur tua speculativa persuasio pœnitenti in re tam gravi obesse debeat , qui supponitur bona fide tenerere sententiam oppositam verè probabilem, habetque, peccatis jam confessis, jus ad absolutionem? cùm ergò tu possis licite eum absolvere, omnino teneris.

Dices : Confessarius est verus & legitimus superior ac Judex pœnitentis ; adeoque pœnitens est subditus illius : ergò tenetur suam propriam opinionem deponere & obedire superiori. R. Confessarium non esse pœnitentis superiorem absolute & simpliciter, sed solum limitate in ordine ad peccata ab ipso ad tribunal pœnitentia allata : pœnitens autem non peccat sequendo opinio-